



Broj: 03/1-50-14-7-30-6/16

Sarajevo, 26.10.2016.

PREDMET: Informacija o radnoj posjeti članova Zajedničke komisije Glavnom sjedištu Uprave za indirektno oporezivanje, Banja Luka, 20.9.2016.

Predsjedavajući Zajedničke komisije za odbranu i sigurnost BiH Sifet Podžić i član Komisije Šemsudin Mehmedović, Ljiljana Milićević, sekretarka, i Željko Grubešić, stručni savjetnik, boravili su 20.9.2016. u radnoj posjeti Glavnom sjedištu Uprave za indirektno oporezivanje (UIO) BiH u Banjaluci, gdje im je domaćin bio direktor UIOBiH Miro Džakula sa saradnicima.

Sastanak članova Zajedničke komisije za odbranu i sigurnost BiH s predstavnicima UIOBiH, kojem je prisustvovao i direktor Granične policije BiH Zoran Galić i pomoćnik direktora Slobodan Krstić, imao je za cilj sagledavanje stanja infrastrukture na graničnim prijelazima u BiH za koje je neposredno nadležna ova uprava. Tokom brojnih radnih posjeta članova ove komisije terenskim uredima Granične policije BiH, posebno tokom nedavne posjete jedinici Granične policije BiH u Doljanima, konstatirano je veoma loše stanje infrastrukture, kao i veoma loši uslovi za rad graničnih policajaca na ovim prijelazima.

Direktor UIOBiH Miro Džakula prezentirao je članovima Zajedničke komisije stanje infrastrukture na graničnim prijelazima u BiH, te iznio prijedloge za rješavanje problema na njima, kao i potencijalne načine iznalaženja finansijskih sredstava za poboljšanje aktuelne situacije na postojećim infrastrukturnim objektima.

Direktor Galić i njegovi saradnici istakli su da već duže vrijeme predstavnike nadležnih institucija u BiH upozoravaju na problem neuslovnih prostora za rad na pojedinim graničnim prijelazima, o čemu je, između ostalog, i predsjedavajući Zajedničke komisije za odbranu i sigurnost BiH Sifet Podžić informirao ministra sigurnosti BiH po okončanju posljednje posjete regionalnom uredu Granične policije „Jug“ u Čapljini.

Sagovornici su zaključili da je nužno što prije angažirati sva raspoloživa sredstva s ciljem modernizacije i opremanja infrastrukture na graničnim prijelazima, što bi, s jedne strane, poboljšalo imidž naše zemlje, a s druge strane omogućilo pripadnicima Granične policije BiH da kvalitetno rade svoj posao.

Članovi Zajedničke komisije za odbranu i sigurnost će, s ciljem iznalaženja rješenja koja će omogućiti pripadnicima ove agencije bolje uslove za obavljanje redovnih aktivnosti, nastaviti

s terenskim posjetama jedinicama Granične policije BiH. Po okončanju ove posjete, članovi Zajedničke komisije za odbranu i sigurnost boravili su, zajedno s direktorom UIO Mirom Džakulom i pomoćnikom direktora Granične policije BiH Slobodanom Krstićem, u radnoj posjeti Terenskom uredu Granične policije „Sjeverozapad“ sa sjedištem u Gradišci.

PREDSJEDAVAJUĆI KOMISIJE
Sifet Podžić

Dostavljeno:

- naslovu
- a/a